



Ruj. Kami : JHEAIPP.PMS.100-1/9/2 (7)

Tarikh : 26 Jamadilakhir 1442H
Februari 2021M

Semua Pengurus Kariah Masjid
Negeri Pulau Pinang

Semua Pengurus Masjid Ghair Jamek
Negeri Pulau Pinang

Semua Pengurus Surau Jumaat
Negeri Pulau Pinang

Semua Pengurus Surau
Negeri Pulau Pinang

Y. Bhg. Tan Sri / Dato' / Tuan,

PEKELILING TERKINI PELAKSANAAN AKTIVITI MASJID DAN SURAU NEGERI PULAU PINANG SEPANJANG TEMPOH PERINTAH KAWALAN PERGERAKAN (PKP) DAN PERINTAH KAWALAN PERGERAKAN BERSYARAT (PKPB) BIL.2/2021

Dengan hormatnya saya merujuk perkara di atas.

2. Jabatan ini telah mengambil maklum mengenai perlanjutan tempoh Perintah Kawalan Pergerakan (PKP) sehingga 18 Februari 2021 di seluruh Malaysia kecuali negeri Sarawak.

3. Sehubungan dengan itu, Jabatan ini melalui Perbincangan Bersama YB Dato' Ir. Haji Ahmad Zakiyuddin bin Abdul Rahman, Timbalan Ketua Menteri 1 Pulau Pinang pada 8 Februari 2021 memutuskan seperti berikut:

- i. Memberikan kebenaran pelaksanaan solat Jumaat di semua masjid dan surau Jumaat Negeri Pulau Pinang dengan kadar bilangan Jemaah adalah mengikut keluasan ruang solat utama masjid / surau jumaat.
- ii. Memberikan kebenaran pelaksanaan solat fardu berjemaah di masjid dan surau Negeri Pulau Pinang dengan Kadar bilangan jemaah adalah mengikut keluasan ruang solat utama masjid / surau.
- iii. Memberikan kebenaran pelaksanaan solat jenazah bukan Covid-19 di masjid dan surau dengan kadar maksimum seramai tiga puluh (30) orang jemaah.

Ruj. Kami : JHEAIPP.PMS.100-1/9/2 (6)
Tarikh 26 Jamadilakhir 1442H
8 Februari 2021M

- iv. Memberikan kebenaran penggunaan ruang solat musafir di masjid dan surau untuk kemudahan para pekerja e-hiling seperti Food Panda, Grab Food dan seumpamanya..
 - v. Memberikan kebenaran hanya kepada aktiviti kuliah maghrib, bacaan yaasin dan tahlil pada setiap hari selepas solat fardu maghrib hingga masuk waktu isya'.
4. Pihak Y.Bhg. Tan Sri / Dato' / Tuan hendaklah mematuhi arahan di atas dan juga memastikan bahawa semua ahli kariah masing-masing mendapat maklumat semasa dan turut mematuohnya. Bersama ini juga disertakan Garis Panduan Tatacara Aktiviti Keagamaan Di Masjid Dan Surau Seluruh Negeri Pulau Pinang Dalam Tempoh Perintah Kawalan Pergerakan (PKP) dan Perintah Kawalan Pergerakan Bersyarat (PKPB) seperti di **Lampiran**.
5. Pihak jabatan ini tidak akan bertanggungjawab sekiranya terdapat ahli kariah yang diambil tindakan undang-undang akibat perlanggaran arahan pekeliling yang telah dikeluarkan.
6. Arahan pelaksanaan aktiviti masjid dan surau ini akan dikeluarkan dari semasa ke semasa secara berperingkat tertakluk kepada situasi perkembangan terkini wabak Covid-19 serta atas nasihat Kementerian Kesihatan Malaysia (KKM) dan Majlis Keselamatan Negara (MKN). Sama-sama kita membantu Kerajaan Malaysia dalam usaha mengekang penularan Wabak Covid-19. Pekeliling Pelaksanaan Aktiviti Masjid dan Surau Negeri Pulau Pinang Sepanjang Tempoh Perintah Kawalan Pergerakan (PKP) dan Perintah Kawalan Pergerakan Bersyarat (PKPB) yang bertarikh 26 Januari 2021 lalu adalah **terbatas**.

Perhatian dan kerjasama Y.Bhg. Tan Sri / Dato' / Tuan mengenai perkara ini adalah amat dihargai dan didahulukan dengan ucapan terima kasih.

Sekian.

"PRIHATIN RAKYAT – DARURAT MEMERANGI COVID-19"
"BERKHIDMAT UNTUK NEGARA"
"CEKAP, AKAUNTABILITI, TELUS"

Saya yang menjalankan amanah,

(MOHD ZAKUAN BIN ZAKARIA)

Pengarah
Jabatan Hal Ehwal Agama Islam Pulau Pinang.

Salinan kepada:

- 1) YB. Timbalan Ketua Menteri 1 Pulau Pinang
Pejabat Timbalan Ketua Menteri 1 Pulau Pinang
Aras 52, KOMTAR,
10503 Pulau Pinang
Merangkap;
Yang Dipertua,
Majlis Agama Islam Negeri Pulau Pinang
- 2) YB Setiausaha Kerajaan Negeri,
Pejabat Setiausaha Kerajaan Negeri Pulau Pinang
Aras 25, KOMTAR
10503 Pulau Pinang
- 3) S.S. Mufti Kerajaan Negeri Pulau Pinang
Jabatan Mufti Negeri Pulau Pinang Aras 48, KOMTAR,
10053 Pulau Pinang.
- 4) YDH. Ketua Polis Pulau Pinang
Ibu Pejabat Polis Kontinjen Pulau Pinang
Jalan Penang, George Town,
10760 Pulau Pinang
- 5) Pengarah
Majlis Keselamatan Negara Negeri Pulau Pinang
Jabatan Perdana Menteri
Tingkat 2, Bangunan MARA
No.33, Jalan Pengkalan Weld 10300 George
Town Pulau Pinang.
- 6) Pengarah
Jabatan Kesihatan Negeri Pulau Pinang
Tingkat 7, Bangunan MARA
No.33, Jalan Pangkalan Weld
10300 Pulau Pinang
- 7) Setiausaha Sulit Kepada
TYT Yang Di-Pertua Negeri Pulau Pinang
Seri Mutiara, Jalan Utama
10500 Pulau Pinang

- 8) Semua Pegawai Tadbir Agama Daerah
{Untuk tindakan sewajarnya}
- 9) Imam besar Masjid Negeri dan Imam Utama Masjid Daerah
{Untuk tindakan sewajarnya}

Lampiran



**TERKINI
GARIS PANDUAN
TATACARA AKTIVITI KEAGAMAAN DI MASJID DAN
SURAU SELURUH NEGERI PULAU PINANG
DALAM TEMPOH
PERINTAH KAWALAN PERGERAKAN (PKP)
&
PERINTAH KAWALAN PERGERAKAN BERSYARAT
(PKPB) BIL.2/2021**

TERKINI

GARIS PANDUAN TATACARA AKTIVITI KEAGAMAAN DI MASJID DAN SURAU SELURUH NEGERI PULAU PINANG DALAM TEMPOH PERINTAH KAWALAN PERGERAKAN (PKP) & PERINTAH KAWALAN PERGERAKAN BERSYARAT (PKPB) BIL.2/2021

1. TUJUAN

- 1.1 Garis Panduan ini bertujuan sebagai panduan dan rujukan kepada semua pihak yang terlibat dalam pengurusan dan perkhidmatan masjid dan surau seluruh Negeri Pulau Pinang mengenai Tatacara aktiviti keagamaan di masjid dan surau dalam tempoh Perintah Kawalan Pergerakan (PKP) & Perintah Kawalan Pergerakan Bersyarat (PKPB); dan
- 1.2 Garis Panduan ini juga bertujuan mengurangkan risiko penularan wabak penyakit, menetapkan langkah-langkah pencegahan dan keselamatan bagi mengelakkan kesihatan awam terjejas.

2. PELAKSANAAN PROSEDUR SOLAT JUMAAT

2.1 Bilangan Jemaah Yang Dibenarkan

- a) Kadar bilangan Jemaah adalah **mengikut keluasan ruang solat utama masjid / surau jumaat** dan mengikut kemampuan pihak pengurusan masjid / surau jumaat dengan mengambil kira **penjarakan fizikal sekurang-kurangnya satu (1) meter** dan hendaklah **tidak kurang daripada empat**

puluhan (40) orang jemaah yang memenuhi syarat wajib solat Jumaat;

- b) Jemaah hendaklah di kalangan ahli kariah **berstatus warganegara Malaysia dan Pemastautin Tetap** sahaja;
- c) Jemaah hendaklah berusia **12 tahun hingga 70 tahun sahaja**. Jemaah yang berumur 71 tahun dan ke atas yang sihat boleh melaksanakan solat jumaat tetapi tidak digalakkan.
- d) Jawatankuasa Kariah, Pegawai Masjid dan Siak yang berusia 71 tahun dan ke atas yang sihat dan tidak bergejala adalah dibenarkan untuk hadir bertugas dan melaksanakan solat Jumaat;
- e) Mekanisme pemilihan jemaah akan ditentukan oleh Jawatankuasa Kariah masjid / surau Jumaat dengan mengambil kira lokaliti setempat dan penggiliran dalam sesuatu kariah;
- f) Bagi masjid / surau Jumaat yang mempunyai saiz keluasan ruang solat utama terhad setelah mengambil kira keperluan mematuhi penjarakan fizikal dengan sekurang-kurangnya satu (1) meter antara satu jemaah dengan jemaah yang lain, maka boleh **menggunakan ruang tambahan yang bersesuaian** bagi melengkapkan bilangan jemaah seramai 40 orang; dan

- g) Bagi masjid yang terletak di sekitar George Town, Pulau Pinang yang tiada atau kurang ahli kariah tetap, jemaah boleh dipilih dalam kalangan jemaah setempat melalui pendaftaran awal.

2.2 Pelaksanaan Solat Jumaat

- a) Pembesar suara luar hanya digunakan untuk azan dan iqamah sahaja. **Lafaz azan adalah kembali mengikut lafaz asal;**
- b) **Imam dan Khatib Jemputan adalah tidak dibenarkan** untuk memimpin solat dan menyampaikan khutbah Jumaat. Tanggungjawab ini adalah terletak kepada imam yang dilantik oleh Majlis Agama Islam Negeri Pulau Pinang sahaja;
- c) Khutbah Jumaat hendaklah diringkaskan dan hanya menggunakan teks khutbah yang disediakan oleh Jabatan Hal Ehwal Agama Islam Pulau Pinang sahaja dengan kadar tempoh bacaan khutbah 10 minit;
- d) Imam hendaklah membaca surah atau ayat yang pendek ketika solat serta meringkaskan zikir dan doa; dan
- e) Ahli kariah yang tidak berpeluang melaksanakan solat Jumaat di masjid atau surau Jumaat disebabkan ruang yang

terhad, hendaklah melaksanakan solat fardu Zohor di tempat masing-masing.

3. PELAKSANAAN PROSEDUR SOLAT FARDU BERJEMAAH

3.1 Bilangan Jemaah Yang Dibenarkan

- a) Kadar bilangan jemaah adalah **mengikut keluasan ruang solat utama di masjid / surau seluruh negeri Pulau Pinang**;
- b) Jemaah berusia kurang daripada 12 tahun tidak dibenarkan, **Keutamaan Jemaah adalah yang berusia 12 tahun hingga 70 tahun sahaja**. Jemaah yang berumur 71 tahun dan ke atas yang sihat dibenarkan solat secara berjemaah tetapi tidak digalakkan; dan
- c) Jemaah juga hendaklah berstatus **Warganegara Malaysia** dan **Pemastautin Tetap** sahaja.

3.2 Pelaksanaan Solat Fardu Berjemaah

- a) Pembesar suara luar hanya digunakan untuk azan dan iqamah sahaja. **Lafaz azan adalah kembali mengikut lafaz asal**; dan
- b) Imam hendaklah membaca surah atau ayat yang pendek ketika solat serta meringkaskan zikir dan doa dengan kadar tempoh keseluruhan solat adalah 20 minit.

4. PELAKSANAAN SOLAT JENAZAH BUKAN COVID-19

- 4.1 Dibenarkan kepada **Warganegara Malaysia dan Pemastautin Tetap (PR) sahaja;**
- 4.2 Bilangan maksimum jemaah solat jenazah adalah **seramai tiga puluh (30) orang** yang terdiri daripada imam, jawatankuasa kariah dan ahli keluarga terdekat (ibu, bapa, suami/isteri, saudara kandung dan anak kandung si mati) dengan mengambil kira penjarakan fizikal sekurang-kurangnya satu (1) meter dan berdiri untuk melaksanakan solat jenazah di tempat yang ditandakan sahaja. Baki ahli keluarga dan orang ramai dinasihatkan untuk melaksanakan solat jenazah ghaib di rumah masing-masing;
- 4.3 Bagi tujuan urusan pengkebumian hingga ke tanah perkuburan, jumlah kehadiran maksimum yang dibenarkan adalah **seramai tiga puluh (30) orang sahaja**; dan
- 4.4 Aktiviti ziarah kubur **dibenarkan** selepas urusan pengkebumian selesai dalam **kalangan ahli keluarga terdekat sahaja.**

5. PANDUAN PENYEDIAAN DAN PENGGUNAAN RUANG SOLAT MUSAFIR

- 5.1 Pihak masjid / surau hendaklah menyediakan ruang solat musafir khusus yang bertanda di kawasan balai lintang atau di ruang tertentu masjid / surau untuk kemudahan para pekerja e-hailing seperti Food Panda, Grab Food dan yang seumpamanya;

- 5.2 Pihak masjid / surau hendaklah menyediakan sudut info di ruang solat musafir untuk pematuhan garis panduan sedia ada seperti penjarakan fizikal, larangan berkumpul dan lain-lain;
- 5.3 Pihak masjid / surau hendaklah menyediakan buku atau aplikasi MySejahtera dan rekod ini hendaklah mengandungi maklumat seperti nama, alamat dan nombor telefon;
- 5.4 Pihak masjid / surau hendaklah tidak meletakkan sejada / telekung di ruang solat musafir dan pengguna ruang solat musafir hendaklah **membawa sendiri sejada bersaiz besar / telekung**;
- 5.5 Ruang solat musafir hendaklah sentiasa dipantau dan disanitasi; dan
- 5.6 Penggunaan ruang solat musafir hanya **dibuka selama 1 jam selepas masuk waktu solat fardu**.

6. PELAKSANAAN AKTIVITI MASJID SELAIN IBADAH SOLAT

- 6.1 Hanya **kuliah maghrib, bacaan yaasin dan tahlil sahaja dibenarkan pada setiap hari selepas solat fardu Maghrib hingga masuk waktu Isya'** sahaja dan hendaklah kekal berada di tempat solat yang ditandakan;
- 6.2 Tenaga pengajar hendaklah terdiri daripada **pemegang tauliah mengajar agama yang sah dikeluarkan oleh Majlis Agama Islam Negeri Pulau Pinang** dan bermastautin di Pulau Pinang

- sahaja. Justeru, tenaga pengajar yang merentas sempadan negeri untuk tujuan tersebut adalah **tidak dibenarkan**;
- 6.3 Bagi majlis akad nikah yang ditangguhkan pelaksanaannya di masjid dan surau, ianya **kekal dilaksanakan di Pejabat Agama Daerah**. (Sila rujuk Tatacara Pelaksanaan Majlis Akad Nikah di Negeri Pulau Pinang Sepanjang Tempoh PKP dan PKPB);
 - 6.4 Semua mesyuarat termasuklah mesyuarat agung pemilihan Jawatankuasa Kariah Negeri Pulau Pinang hendaklah ditangguhkan; dan
 - 6.5 Aktiviti ziarah kubur ditangguhkan buat sementara waktu.

7. PEMATUHAN STANDARD OPERATING PROCEDURE (S.O.P) YANG DIPERKETATKAN

- 7.1 Kaunter pemeriksaan suhu bagi setiap jemaah adalah diwajibkan bagi memastikan hanya yang sihat sahaja dibenarkan hadir dan **diwajibkan memakai pelitup hidung dan mulut (*face mask*)**;
- 7.2 Jemaah yang hadir hendaklah tidak mempunyai sebarang gejala Covid-19 seperti demam, batuk, sakit tekak, sesak nafas, selsema, berpenyakit kronik atau yang seumpamanya dan suhu badan tidak melebihi 37.5 C;
- 7.3 Jemaah yang mempunyai hubungan kontak rapat positif Covid19 atau dalam tempoh kuarantin yang diarahkan oleh Kementerian

Kesihatan Malaysia adalah tidak dibenarkan hadir ke masjid / surau;

- 7.4 Jika ada jemaah yang disyaki atau disahkan positif Covid-19, masjid atau surau Jumaat tersebut hendaklah melakukan proses sanitasi penuh dan jemaah lain yang hadir pada hari berkenaan perlu melakukan saringan mengikut prosedur Kementerian Kesihatan Malaysia. **Tindakan penutupan masjid perlulah dirujuk terlebih dahulu kepada Pejabat Agama Daerah berkenaan;**
- 7.5 Kehadiran hendaklah direkodkan menggunakan aplikasi MySejahtera atau di dalam buku kehadiran dan hendaklah disimpan bagi tujuan rujukan jika perlu;
- 7.6 Pihak masjid dan surau **hendaklah menyediakan cecair pembasmi kuman (*hand sanitizer*) yang mematuhi standard Kementerian Kesihatan Malaysia (KKM);**
- 7.7 Semua ahli jemaah yang hadir hendaklah **mengambil wuduk sebelum hadir ke masjid dan membawa sejadah bersaiz besar sahaja.** Penggunaan air kolah tidak dibenarkan sama sekali kecuali pili air ketika wuduk terbatal;
- 7.8 **Cara masuk dan keluar masjid / surau mesti mengikut giliran dengan beratur serta menjaga penjarakan fizikal yang terkawal;**

- 7.9 Tidak bersalaman sepanjang berada di masjid / surau. Para jemaah hendaklah terus pulang dan tidak berkumpul di luar setelah selesai solat;
- 7.10 Tidak berlaku pergerakan yang sangat aktif di dalam masjid dan surau kecuali di dalam ruang dan pada kedudukan yang ditetapkan sahaja;
- 7.11 Tiada aktiviti perkumpulan dibenarkan selepas selesai solat sama ada di dalam atau di luar masjid / surau;
- 7.12 Jemaah bersurai dalam keadaan tenang melalui pintu keluar yang ditetapkan sambil mematuhi jarak fizikal;
- 7.13 Pegawai yang bertugas hendaklah melaksanakan rondaan dan pemeriksaan di dalam, di luar dan sekitar perkarangan masjid / surau untuk memastikan jemaah terus pulang; dan
- 7.14 Melakukan sanitasi ruang solat dan kawasan sekitarnya termasuk tandas dan ruang wuduk sebelum dan selepas solat dilaksanakan.

8. PANDUAN AM

- 8.1 Pegawai Jabatan, pihak Polis Diraja Malaysia (PDRM), Kementerian Kesihatan Malaysia (KKM) dan RELA yang bertanggungjawab melaksanakan aktiviti pemantauan terhadap pematuhan Garis Panduan ini adalah dibenarkan untuk melaksanakan solat fardhu berjemaah, solat jumaat dan solat jenazah di masjid atau surau;

- 8.2 Surau yang berhasrat untuk **melaksanakan solat Jumaat dalam tempoh Perintah Kawalan Pergerakan (PKP) dan Perintah Kawalan Pergerakan Bersyarat (PKPB)**, boleh mengemukakan permohonan melalui Pegawai Tadbir Agama Daerah untuk mendapat kelulusan daripada pihak Jabatan Mufti Negeri Pulau Pinang. Walau bagaimanapun, pematuhan kepada perkara yang dinyatakan di para 2.1 dan 2.2 hendaklah dipatuhi. Surau yang diluluskan untuk melaksanakan solat Jumaat hanya bagi tempoh Perintah Kawalan Pergerakan (PKP) dan Perintah Kawalan Pergerakan Bersyarat (PKPB) sahaja dan bukan bersifat kekal;
- 8.3 Mana-mana masjid atau surau Jumaat yang tidak dapat mematuhi Garis Panduan ini adalah tidak dibenarkan untuk melaksanakan solat Jumaat;
- 8.4 Semua ahli kariah hendaklah dimaklumkan dengan seberapa segera tentang Garis Panduan yang berkuatkuasa ini melalui apa-apa sahaja medium hebahan yang bersesuaian; dan
- 8.5 Pihak jabatan ini **tidak akan bertanggungjawab sekiranya terdapat ahli kariah yang diambil tindakan undang-undang akibat perlanggaran arahan pekeliling yang telah dikeluarkan.**

9. PENGUATKUASAAN

- 9.1** Garis Panduan ini adalah berkuatkuasa mulai **9 Februari 2021 (Rabu) bersamaan 27 Jamadilakhir 1442H** sehingga arahan baru dikeluarkan oleh jabatan tertakluk kepada perubahan arahan oleh pihak Kerajaan dari semasa ke semasa atau sehingga satu tempoh diisyiharkan keadaan kembali selamat oleh pihak Kerajaan Malaysia; dan
- 9.2** Sebarang pindaan garis panduan ini akan dikaji dari semasa ke semasa atas nasihat Kementerian Kesihatan Malaysia (KKM) dan Majlis Keselamatan Negara (MKN).

Pengarah,
Jabatan Hal Ehwal Agama Islam Negeri Pulau Pinang.
8 Februari 2021M
26 Jamadilakhir 1442H